



UNIVERSITÄTS-
BIBLIOTHEK
PADERBORN

**Bellum Sacrum Ecclesiae Militantis Contra Turcum
Communem Hostem Christianorum**

Vaux, Léonard de

Leodii, 1685

Deo Uni Trino Sanctissimæ Trinitati Increatæ, Et Incarnatæ, In Christo
Jesu, Deo Homine; Salvatore Omnium Hominum, Maxime Fidelium: Trinum
Et Unum, Prophetarum, Apostolorum, Et Omnium Christianorum ...

[urn:nbn:de:hbz:466:1-64991](https://nbn-resolving.org/urn:nbn:de:hbz:466:1-64991)



DEO UNI TRINO
 SANCTISSIMÆ TRINITATI
 INCREATÆ, ET INCARNATÆ,
 I N

CHRISTO JESU,

DEO HOMINE; SALVATORE
 OMNIUM HOMINUM,
 MAXIME FIDELIUM:

TRINUM ET UNUM,
 PROPHE TARUM,
 APOSTOLORUM,

ET OMNIUM CHRISTIANORUM
 Desiderium, Votum & Jubilum.

Tres sunt qui Testimonium dant in Cœlo, Pater,
 Verbum, & Spiritus Sanctus: & hi tres unum
 sunt. *Joan. 5.*

Multifariam, multisque modis, olim Deus
 loquens Patribus in Prophetis: novissimè die-
 bus istis locutus est nobis in Filio, quem con-
 stituit hæredem uniuersorum, per quem fecit
 & sæcula. *Hebr. 1.*



*N tibi ô Sanctissima Trinitas
 unus Deus, numerosus quaternor-
 rum Cherubinorum ternio, qui*

triplici quaternarum vocum choro te celebrantes, consono dissonarum linguarum concentu cum Apostolis totâque Ecclesiâ quam acquisivit Christus Jesus sanguine suo, & Sanctis Angelis ac Seraphinis jugiter unâ voce acclamant, Sanctus, Sanctus, Sanctus, Dominus Deus Sabaoth; Deus unus & Trinus. Pleni sunt Cæli, & universus terrarum orbis gloriâ & majestate tuâ ô Beata Trinitas Sancta & una Deitas. Tibi soli Deo unitrino omnis honor, amor, & gloria in Æternum. Salus Deo nostro qui sedet super thronum, & Agno. Amen. Benedictio, & claritas, & sapientia, & gratiarum actio, honor & virtus, & fortitudo Deo nostro, in secula seculorum. Amen.

Hiscè Canticis Spiritualibus, Hymnis & Acclamationibus Beatorum Spirituum: duodecim Prophetæ veteris Testamenti, & duodecim Apostoli novæ legis, atque omnes Christi fideles Divina Triadis tuæ adoratores in Spiritu, sancti amoris, timoris casti, & veritate fidei orthodoxæ; unanimiter succinunt, Sanctus Deus, Sanctus fortis, Sanctus immortalis; plena est omnis terra gloriâ

Majestatis tua, ô indivisa Trinitas una
 Divinitas! Deus omnipotens Creator
 omnium. Ita Sanctus Ignatius tertius
 à Petro Antiochenus Episcopus, visionem
 Angelorum, per Responsorios Hymnos
 Sanctam Triadem laudantium vidit, &
 modum visionis Antiochena Ecclesia tra-
 didit, undè ad omnes Ecclesias orbis Chri-
 stiani, ista traditio emanavit. Et hæc
 est ratio Hymnorum responsoriorum, quæ
 in Divino Officio canit universa Eccle-
 sia; in perpetuas laudes Adoranda Tri-
 nitatis, ut in Celestem Sanctarum men-
 tium occupationem semper intenta. Ni-
 mirum nullum est otium illo beatius,
 nullum gloriosius, & utilius. Quique
 semel in Divinitatem se mersit animus,
 non nisi ejus deliciis & laudibus pasci-
 tur. In quibus proinde recitandis & ex-
 plicandis, Sanctissima individua Trini-
 tati sit omnis honor, Ecclesie decor, le-
 ctoribus & auditoribus sapor, scriptori-
 bus, & præconibus verbi Divini labor;
 omnibus piis candor, splendor, ardor lu-
 cis Æternæ.

Hoc tandem est Trinum perfectum,
 trinum & unum Beatorum Spirituum;
 in triplicem ternionem ordinatorum,

*Æternum otium : Hoc trinum & unum
 Prophetarum, Apostolorum, & omnium
 Christianorum Spiritualium Jubilum,
 desiderium & votum. Videlicet Te Deum
 unum trinum, Patrem, Filium, & Spi-
 ritum Sanctum; Principium & finem,
 ac summum omnium bonum: facie ad
 faciem videre, ex toto se super omnia
 diligere, possidere in se ipsis; & in Æter-
 num te frui, quippè à te solo & pro te solo
 creati, atque in te solo beati. Qui so-
 lus es omnia in omnibus tuis electis, in
 Dilecto dilecto Deo Jesu nostro. Amen.*

*Utinam ô adoranda Trinitas! omnes
 gentes ad imaginem & similitudinem
 tuam formatae, & Christi Jesu Dei ho-
 minis Sanguine redemptae, ad agnitio-
 nem tui Nominis victricibus armis Prin-
 cipum Christianorum, & novi tui E-
 vangelii Predicatione, sic adducantur,
 ut te unum Deum, in substantiâ Divi-
 nitatis, trinum in Personis Divinis,
 adorent; in eodem Spiritu Sancti amoris
 & timoris tui nominis & in veritate,
 ejusdem fidei Catholica. Ideò Sancta
 Christi Sponsa, Spiritus tui impulsu, obse-
 crationes, orationes, postulationes sine
 intermissione, tibi offert pro omnibus.*

Sciens hoc bonum & acceptum esse coram te Deo, uno, trino, optimo, maximo, potentissimo, qui neminem vis perire, sed omnes ad agnitionem tui nominis vocas, qui omnium Creator es, omnium Salvator, omnium amator; diligens omnia tua opera.

Te igitur in uno spiritu Christiana charitatis obsecramus omnes: ô Conditor omnium, & Deus universorum ac singulorum: ut sicut nova bella, nova arma, nova Sacramenta, omnia nova non ad everisionem aut damnationem, sed ad conversionem gentium elegisti, sic per hac arma lucis triumphes, conteras, ternos tuos, Prophetarum, Apostolorum, & Ecclesie Catholicae hostes, cæcos gentiles, incredulos Judæos, pertinaces hæreticos: in primis verò Turcas ex triplici illa inferorum colluvie mixtos, inimicos sævissimos nominis Christiani, tuis fulminibus quatias: prodromos inquam & præcursores hominis peccati Antichristi, quæ Dominus noster Jesus-Christus interficiet spiritu oris sui, & coruscatione adventus sui. In hos ergo Deus exercituum, justam iram tuam acue in triplicem lanceam, ut gentes Turcarum qua in sua

feritate confidunt, dextera tua potentiâ
conterantur & ad te convertantur, ut tu
solus Deus, unus trinus per Christum &
in Christo ubique regnes. His desideriiis,
precibus, & votis tuorum fidelium citiùs
annue; exaudi hac pia tuorum vota,
ô Sanctissima Trinitas, una Deitas.
Amen.

